

Surat khabar: Utusan Sarawak

Hari/Tarikh: 14/11/2012

Muka surat: S3

Tajuk : Rayat muji program ngiru UNIMAS

# Rayat muji program ngiru UNIMAS

**BETONG:** Rayat ke diau ba Kampung Melayu Betong gagit amat ketegal dipilih sekali lagi ulih Universiti Malaysia Sarawak (UNIMAS) endur ngatur program Ngiru Anak kena 23 ngagai 25 November tu.

Penghulu Kampung Melayu Betong, Haji Abang Zawawie Rajit madahka, sida sigi nge-laluka penatai raban ari univer-siti endur ngatur program tu.

"Program kerejasama antara universiti enggau rayat ba kampung tu mega nyadika pelu-ang ngagai para graduan dike-nan sida ngasaika pendiau enggau pengidup sereta adat asal rayat ditu empu.

"Ukai naka tu aja, tang nempa pemanah raban pelajar nyambung pelajar akademik ba Universiti, pegulai enggau rayat ba kandang kampung tu nyadika penambah peneleba

sida dudi hari ila," ku iya.

Iya mansutka ka jaku tu ram-bau pengerami bejadi Nyuaka Setipikit enggau Perais Sekula Primari (SK) Abang Abdul Kadir Betong diatur ba Dewan Sri Abadi ditu, apin lama.

Tambah mega, pengawa ke milih musim pemisi sekula meri peluang ngagai nembia- ba kampung tu nyereta genap iti aktiviti ke deka diatur ila.

Iya madahka, rayat ba kam-pung tu ke nyereta program ngiru nembia- ari raban grad-uan nemu rintai nama sida .

"Aku ngarapka program tu nyadika peransang anak sida ke benung belajar ba tikas sekula primari enggau sekondari nyun-to raban graduan ke udah mujur belajar ngagai universi-ti," ku iya.

Dulu agi ari tu, iya ngarapka pengawa kerejasama ari apai indai dikena mantu sekula nge-

mansangka pelajar anak sida.

"Tu nyengkaum nyendiaka penemu pelajar moral ke manah nyadika pemansang pelajar anak sida dudi hari ila.

Ngenang senentang pengerami tu, bisi 65 iku pelajar ari primari enam nerima setipikit tembu belajar ba primari enam.

Pia mega pengerami tu bisi nyendiaka Perais Penyulut Pelajar Nembia- Prasekolah ngagai 47 iku pelajar lalu 100 iku iku pelajar nerima perais Penyulut ba kelas sida iya empu.

Kelimpah ari tu, mega bisi ngatur nyuaka Setipikit Puji ngagai Prefect Sekula enggau Setipikit Puji ngagai Ketua-ai Kelas. Sama bisi datai enggau ngulu pengerami nyuaka Setipikit Penyulut Pelajar tu , nya Sapit Chairman PIBG, Allen Sambau, Ketua-ai Kam-pung , raban pengajar enggau apai indai nembia- empu.